

tuela. Giza talde guztietan bezalaxe, etorkin guzti-guztiak «persona zoragarriak» ez direla esan zuen, baina datu argigarri bat zabaldu zuen gotzainak: «azken urteotan etorkinen kopurua %100 hazi bada ere, delitugile atzerritarren tasa %9koa besterik ez da igo».

Iazko abuztuan indarrean jarritako Espainiako Atzerritarren legeak etorkinei zenbait eskubide onartzen dizkiela onartu zuen Uriartek, baina deitoratu egin zuen oztopo gehiegi jartzzen dizkiela baimenik gabe etortzen direnei. «Lege hori gogorregia da legez kanpokoekin, eskubideak murriztu egiten baitizkie; askotan itxi egiten dizkie herrialdean legez egoteko sarrierak eta arrazoi gehiago ematen ditu etorkinak kanporatzeko», dio idazkiak. Legea arauen bidez biguntzearen aldeko deia egin zuen Donostiako gotzainak eta zenbait bide aipatu zituen, hala nola, administrazio publikoek biztanle pobreei eskaintzen dizkien laguntzak etorkin ez-legezkoek ere zabaltzea. Halaber proposatu zuen etorkinak erregularizatzeko unean «gure interesak ez ezik, haien beharrak ere» aintzat hartzea.

Aberastasunaren banaketa «lotsagarria»

Euskaldunak duela gutxira arte Ameriketara joaten ziren moduan, orain amerikarrak gurera datozela oroitu zuen Uriartek. Arrazoiaren artean, munduko iparralde aberatsaren eta hego-

ESANAK

JOAN MARIA URIARTE
(Donostiako gotzaina)

«Huskeriazko soldatetara ohituta, lan baldintza esplotatzaileak onartu dituzte askok»

«Sarritan ulertarazten digutenaren aurka, ez dira lubizi mehatxugarria eta eustezina»

«Herrialde pobreekiko zorra kitatzeko modu bat da etorkinak ahal den neurrian onartzea eta errukia izatea»

«Etorkinen nortasuna desagerraraziko duen asimilazioa eta ghettoak baztertu behar dira»

te herrialde batzuren txirotasunari zor zaiola ziurtatu zuen.

«Moralaren kontrako» desberdintasun horren aurrean, zorra kitatzeko modu bat «etorkinak ahal den neurrian onartzea eta haiekin errukitsu izatea» dela esan zuen. Bide batez kritikatu zuen Uriartek herrialde pobreen garapenerako Nazio Batuen Erakundeak eskatu zuen Barne Produktu Gordinaren (BPG) %0,7ko laguntza Holandan eta Eskandinaviako herrialde batzuetan baizik ez dela betetzen. Bere datuen arabera, Euskal Autonomia Erkidegoak %0,4 eskaintzen du eta %0,24, berriz, Espainiak.

«Ghettozik ez»

«Etorkinen kultur nortasuna desagerraraziko duen asimilazioa edo betiko alboratuko lituzkeen ghettoa» baztertu zituen gotzainak eta horien orde, «guztiak aberastuko gaituen hartu-eman» proposatu zuen. «Utopikoa izango da agian, baina zentzu positiboan».

Uriarterekin batera prentsaurrekoan izan zen Begoña Arroyo Gipuzkoako Caritaseko arduraduna ere. Arroyok aipatu zuenez, 1997an Caritasek 207 etorkin edo familiari lagundu zien; horren aldean aurtengo datua oso urrun iritsi da, jada 850 izan baitira Caritasean laguntza hartu dutenak. Ekuador eta Kolonbiatik datoz immigrante gehienak, Magrebetik eta Afrika beltzetik gero, baina ukrainarrak eta errusiarrak ere iristen hasi dira.

alde txirotaren arteko aberastasunaren alde «lotsagarria» nabarmendu zuen: «%20 garenok aberastasunaren %80 dugu; eta %80ak, berriz, %20 du eta berori gaizki banatuta gainera», esan zuen Uriartek eta Euskal Herriaren moduko herrialdeen aberastasuna, hein batean, bes-

Bizkaian, 2.300 etorkinen erregularizazio espedienteak erabaki gabe daude

Gorane Agirre | BILBO

Espainiako Gobernuak etorkinen egoera erregularizatzeko zuela agindu zuen joan den ekainean. Orduan hasi zen ezohiko prozesua urte amaierarako ez dela bukatua egongo salatu zuen atzo Harresiak Apurtuz-ek, etorkinei laguntzeko gobernu kanpoko erakundearen (GKE) koordinakundeak.

Madrilgo Gobernuak Bizkaian duen Ordezkariordeztzak iragan urriaren 5ean emandako datuaren arabera, 2.300 etorkinek aurkeztu dituzte erregularizazio espedienteak; horietatik, bat bera ere konpondu gabe dagoela jakinarazi zuten Javier Galparsoro eta Rigoberto Jara Koordinakundeko bozeramaileak.

Galparsorok nabarmendu zuenez, «urtarrilaren 23a baino lehen Espainian zeuden

etorkinen egoera erregularizatzeko zabaldu zen ezohiko bidea urtea bukatu baino lehen amaitzea oso zaila da Bizkaian, ezinezkoa ez esateagatik».

Ezohiko erregularizazioa ez betetzeak etorkinengan zein langile legez enplegatu nahi dituzten bizkaitarren gain dituen ondorio kaltegarriak salatu zituen Javier Galparsorok. Bere hitzetan, «etorkinek bizi duten egoera dramatiko eta larria da, izan ere, beren egoera erregularizatzen ez duten bitartean ezin dute lan egin».

Ildo horretan, bide hau «azkartasunez» garatzeko Madrilgo Gobernuak «borondate politikorik» ez duela salatu zuten Harresiak Apurtuz-eko kideek. Eta horren adibide gisa, iaz lau hilabeteetan, Bizkaian, 1.600 etorkinen egoera legeztatu zutela gogorarazi zuten.

KILOMETROAK 2002. Urriaren 6an izango da

«Elkarren beharrean» leloarekin antolatuko da Zumarraga-Urretxun

Iker Aranburu | DONOSTIA

Elkarren beharrean leloa aukeratu du Urretxu-Zumarragako ikastolak 2002ko Kilometroak festa egiteko. Lelo horren bidez, «Euskal Herriari dagokion hezkuntza sistema propioaren antolaketan eskola eredu guztiek parte hartu beharra» aldarrikatu nahi dute antolatzaileek, Aitor Zubizarreta Urretxu-Zumarragako ikastolako zuzendariak atzoko aurkezpenean azpimarratu zuenez.

«Ideologia guztien gaintik», Kilometroek euskarene eta ikastolen alde dagoen jendea biltzen dutela gogoratu zuen Zubizarretak eta «inor ez baztertzeko» deia egin zuen.

Igor Elortza antolatzaileak aipatu zuenez, lau helburu dituzte datorren urteko Kilo-

metroen antolatzaileek. Batetik, Urretxuko eta Zumarragako herritarren auzolana aldarrikatu eta suspertzea. Bigarrenik, ikastolen irudia sendotzeko xedea. Euskarene normalizazioari ere lagundu nahi diote, eta, azkenik, Urretxu-Zumarragako ikastolaren eraikina berritze-ko dirua bildu nahi dute.

890 ikasle ditu

Urretxu-Zumarraga ikastola 1966ko urrian zabaldu zituen ateak 3 eta 6 urte bitarteko 88 haurrekin. Gaur egun 890 ikasle ditu, haur hezkuntzatik hasi eta batxilergora artekoak. Urretxu eta Zumarragako haur eta gazteak ez ezik, Ezkio-Itasokoak ere biltzen ditu. 1985ean antolatu zuen Gipuzkoako ikastolen festa lehen aldiz.



EGUNKARIA

Elkar bat egiten duten bi '2'-k osatzen dute logoa.

AZPILAGAÑAKO KRIMENA. Epaia atera da

25 urteko espetxe zigorra ezarri diote Valenciarri, emaztea hiltzeagatik

Agentziak | IRUÑEA

Jose Maria Valencia Arbones 25 urteko espetxe zigorra betetzera kondenatu du Iruñeko Entzutegiko 3. Epaitegiak. Zinpeko epaimahaiak dagoeneko frogatutzat jo zuen Valenciarri emaztea—Maria Angeles Sierra Azkarate— hil zuela, eta atzo ezagutu zen delitu horrengatik bete beharko duen zigorra.

Epaiaren arabera, akusatuak aurretik xehetasun guztiak pentsatuta burutu zuen krimena; emazteak espero gabe eraso zion; eta kolpe, labankada eta abarrekin «nahita eta basakeriaz» emaztearen mina eta sufrikarioa handitu zuen. Hori dela-eta, «nahikoa arrazoi-

tua» ikusten du Epaitegiak akusatuari horrelako hilketa bategatik jarri daitekeen zigor handiena jartzea.

Izan ere, akusatuari ezarri zaion zigorra fiskalak berak eskatu baino altuagoa da. Fiskalak 23 urteko espetxe-ratzea eskatu zuen Valenciarrentzat, eta epaileak bi urte gehiagoko zigorra erabaki du.

Kalte-ordainak amari eta anai-arrebei

Epaiak zehaztu dioenez, Valenciarri 15 milioi pezeta ere eman beharko dizkio Maria Angeles Sierraren amari, kalteordain moduan (90.000 euro inguru). Biktimaren anai-arrebei ere kalte-ordaina ematea agindu du: bosna milioi pezeta anai-arreba bakoitzari, hamar milioi guztira.

Fiskalak kalte-ordain handiagoak eskatu arren, epaiak dio ezin dela frogatu senideak Sierraren laguntza ekonomikoa jasotzen zutenik.

